

# Hylli i Dritës

*Ubi Spiritus Domini, ibi libertas*

(-II ad Cor. III, 17-)

|  |         |
|--|---------|
| 1. Qeverim komtar në Shqypni.                                | Fq. 145 |
| 2. Pse kundra Metodistve?                                    | „ 152   |
| 3. Mâ e madhja Fuqi e botës për Shqypni.                     | „ 157   |
| 4. Kuvëndi i Berlinit.                                       | „ 165   |
| 5. Shqyptarët e hartet.                                      | „ 170   |
| 6. „Si duelen të zgjedhun Deputett katolikë<br>të Shkodres.“ | „ 179   |
| 7. Lajme.  | „ 187   |
| 8. Bibljografi.  | „ 192   |





# HYLLI I DRITËS

Vjeta II.

GUSHT 1921

Num. IV.

## Qeverim komtar në Shqypni.

Si mund u pa prej Numrit të parparshem të Perkohshmes s'onë, na kaloj, pa mujtë me e prekë aspak, një çashtje fort me randsi: çashtja e të mkamunit të gabinetit të ri. Kishim krye pûnë kuer telegrafa prej Tirane na bite lajmin e ministerit të ri e prandej nuk na met tjetër veç me u bâ vënd êmnavë të ministrave e të zyreve qi atyne u ishin kënë caktue. E pra kishim dishrue me e folë edhe na at fjalën t'onë, jo pse âsht si, në zakon nder kto rasa, por pse, si na dukej, e lypte pûna.

Një qeveri qi bjen, âsht një v i d e a t n e c a d a t per atë qi mëkamet. Sot Shteti shqyptar âsht nder trîza e ndrrimet e shpeshta të gabineteve mund dalin mâ fort per dam se per dobî. Kû mûndet me kënë uzdajë perparimit të marë aty kû, pa e kapë mirë ministri pûnen në dorë, hiqet e në kâmë të ti vëhet ndoshta një tjetër i cilli, me gjith aftësi, me gjith vullndet të mirë, nuk mûndet me bâ gjâ, pse gjên gjithçka shgaterr e pse, kah mëndon, mas shemullit qi ka para sÿsh, se nuk mundet me e pasë të gjatë, e lshon zêmra e nisë me i kja gjithshkafja në dorë?

Me kaq nuk jemi tuej dashtë me thânë se nuk ka kënë nevoja e ndrrimit të bâm, por kishim me dashtë vetem qi ministrat e ri, tuej pasë para sÿsh mungesët e gabinetit të parparshem, e tuej pa se ndrrimet e shpeshta na damtojnë, të mundohen me ndreqë çka në ministër të parparshem pane se nuk ishte me vënd, tuej u diftue kshtû të dëjë me i sherbye atdheut n'ato zyre per një kohë të gjatë.

Kujtojmë se kurr si nder dit të kalueme, sidomos në çashtje të zgjedhjeve e në të mkamun të gabinetit të ri, nuk jânë bâ aq shum ankime prej shtypit komtar e nuk jânë qitë në shesh aq shum ndollî të cillat, edhe po kjene, sikuerse jânë, nemose pjesë-

